

Anno B

Lectio prima

Morte turpissima condemnemus eum.

Lectio libri Sapiéntiæ

2, 17-20

Dixerunt ímpii:

« Circumveniámus iustum, videámus ergo si sermónes illíus veri sint, et tentémus quæ ventúra sunt illi, et sciémus quæ erunt novíssima illíus.

Si enim est verus fílius Dei, suscípíet illum, et liberábit eum de mánibus contrariórum.

Contumélia et torménto interrogémus eum, ut sciámus reveréntiam eius et probémus patiéntiam illíus.

Morte turpíssima condemnémus eum; erit enim ei respectus ex sermónibus illíus ».

Verbum Dómini.

Psalmus responsorius Ps 53, 3-4. 5. 6 et 8 (R.: 6 b)

R. Dóminus suscep̃tor est ánimæ meæ.

Deus, in nómine tuo salvum me fac,
et in virtúte tua iúdica me.

Deus, exáudi oratióem meam,
áuribus pércipe verba oris mei. R.

Quóniam supérbi insurrexérunt advérsus me,
et fortes quæsiérunt ánimam meam,
et non proposuérunt Deum
ante conspéctum suum. R.

Ecce enim Deus ádiuvat me,
et Dóminus suscep̃tor est ánimæ meæ.

Voluntárie sacrificábo tibi,
confitébor nómini tuo, Dómine,
quóniam bonum est. R.